



**TAJUK KHUTBAH JUMAAT**

**Siri: 51 / 2022**

**TENANG DALAM DERITA,  
SENYUM DALAM SENGSARA**

**28 Jamadilawal 1444H**

*Bersamaan*

**23 Disember 2022**

DIKELUARKAN OLEH:

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## KHUTBAH PERTAMA

الْحَمْدُ لِلَّهِ حَمْدًا كَثِيرًا طَيِّبًا مُبَارَكًا فِيهِ  
يَا رَبَّنَا لَكَ الْحَمْدُ كَمَا يَنْبَغِي لِجَلَالِ وَجْهِكَ وَعَظِيمِ سُلْطَانِكَ  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ الْمَبْعُوثُ رَحْمَةً لِّلْعَالَمِينَ،  
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ عَبْدِكَ وَرَسُولِكَ النَّبِيِّ الْأُمِّيِّ وَعَلَى آلِهِ  
وَصَحْبِهِ أَجْمَعِينَ  
أَمَّا بَعْدُ - فَيَا عِبَادَ اللَّهِ ، اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ

Marilah kita sama-sama melahirkan keazaman yang sungguh-sungguh untuk menjadi orang yang bertakwa kepada Allah swt, semoga kita selamat dunia dan akhirat. Mimbar hari ini mengajak sidang hadirin untuk menghayati khutbah bertajuk:

### **TENANG DALAM DERITA, SENYUM DALAM SENGSARA**

**Sidang Jemaah yang di rahmati Allah swt,**

Hidup kita di dunia ini tidak selalunya indah, langit pun tidak selalunya cerah, ada suka, ada duka, ada riang ada tangisan, namun kita ada panduan daripada Nabi saw dalam menghadapi segala keadaan hidup di dunia ini. Antara pegangan hidup Baginda saw yang sangat utuh sehingga mendorong menjalani kehidupan tenang dan bahagia dalam apa jua situasi, susah atau

senang adalah menyerahkan ketentuan hidup sepenuhnya kepada Allah swt setelah berusaha bersungguh-sungguh.

Apa yang berlaku di alam ini semuanya dalam ketentuan Allah swt. Manusia tidak dapat lari daripada hakikat ini. Manusia hanyalah perlu berusaha dan berikhtiar untuk mencapai sesuatu, namun yang menentukan adalah Allah s.w.t.. Allah swt berfirman dalam Surah al-An'am, 71:

قُلْ إِنِّ هُدَى اللَّهِ هُوَ الْهُدَىٰ وَأْمُرْنَا لِلْإِسْلَامِ لِرَبِّ الْعَالَمِينَ ﴿٧١﴾

**Yang bermaksudnya :** Katakanlah: Sesungguhnya petunjuk Allah itulah sebenar-benar petunjuk, dan kita diperintahkan supaya berserah diri kepada Tuhan yang memelihara dan mentadbirkan sekalian alam.

Penyerahan dalam ayat di atas adalah menerima segala ketentuan Qadha' dan Qadar daripada Allah swt, reda dan tenang hati apabila menghadapi musibah dan bersyukur dengan nikmatNya. FirmanNya lagi dalam Surah al-Taghabun, ayat 11:

مَا أَصَابَ مِنْ مُصِيبَةٍ إِلَّا بِإِذْنِ اللَّهِ وَمَنْ يُؤْمِنْ بِاللَّهِ يَهْدِ اللَّهُ قَلْبَهُ،

وَاللَّهُ بِكُلِّ شَيْءٍ عَلِيمٌ ﴿١١﴾

**Yang bermaksud:** Tidak ada kesusahan (atau bala bencana) yang menimpa (seseorang) melainkan dengan izin Allah; dan sesiapa yang beriman kepada Allah, Allah akan memimpin hatinya (untuk menerima apa yang telah berlaku itu dengan tenang dan sabar); dan (ingatlah), Allah Maha Mengetahui akan tiap-tiap sesuatu.

Kata 'Alqamah : Ayat ini berkait dengan seseorang yang ditimpa sesuatu malapetaka, dia sedar bahawa ianya datang dari Allah, dia menerimanya dan redha.

Tanpa adanya penyerahan kepada Allah swt apabila ditimpa musibah, ia mengundang rasa kecewa, putus asa, kemurungan serta boleh menjejaskan kesihatan diri. Oleh itu, marilah menghayati sabda Nabi saw:

عَجَبًا لِأَمْرِ الْمُؤْمِنِ، إِنَّ أَمْرَهُ كُلَّهُ خَيْرٌ، وَلَيْسَ ذَاكَ لِأَحَدٍ إِلَّا لِلْمُؤْمِنِ،  
إِنْ أَصَابَتْهُ سَرَاءٌ شَكَرَ، فَكَانَ خَيْرًا لَهُ،  
وَإِنْ أَصَابَتْهُ ضَرَاءٌ، صَبَرَ فَكَانَ خَيْرًا لَهُ.

( رواه مسلم )

**Yang bermaksud** : Sungguh mengkagumkan urusan seorang mukmin. Semua urusannya adalah kebaikan seluruhnya. Ia tidak dimiliki sesiapa kecuali bagi mukmin. Apabila dia menerima kegembiraan, dia bersyukur. Itu terbaik baginya. Apabila dia ditimpa malapetaka, dia bersabar. Itu terbaik baginya.

Hadith riwayat Muslim

Harus difahami, semua perkara yang berlaku adalah dengan izin Allah swt. Hakikatnya segala apa yang berlaku kepada seseorang samada yang manis atau pahit adalah terbaik bagi dirinya di sisi Allah swt. Sebab itu terimalah dengan hati yang tenang. Juga menjadi kebiasaan bagi Nabi saw apabila berlaku sesuatu perkara yang tidak diingini, sama ada pada diri atau pada umatnya, segera Baginda saw berdoa mengadu pada

Tuhan di dalam solatnya sebagaimana diriwayatkan daripada Abū Huzaifah r.a:

كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا حَزَبَهُ أَمْرٌ صَلَّى

**Yang bermaksud :** “Apabila Nabi saw menghadapi sesuatu perkara yang besar Baginda segera melakukan solat”

(Riwayat Imam Abu Daud)

Hadis ini menjelaskan apabila menghadapi sebarang musibah, perkara yang utama patut dilakukan adalah berdoa bersungguh-sungguh memohon petunjuk dan pertolongan daripada Allah swt sebagai tempat pengaduan utama sebagaimana yang dilakukan oleh Baginda saw. Setelah itu berusaha bersungguh-sungguh menyelesaikan sesuatu perkara yang dihadapi dengan tenang.

### **Sidang Jemaah yang dikasihi Allah swt,**

Penyerahan dan redha (tenang hati walaupun menempuh sesuatu yang sukar) kepada Allah swt setelah melakukan usaha yang sepenuhnya adalah di antara amalan Nabi saw yang sangat istimewa. Sebagai contohnya Baginda saw pernah pergi ke Taif untuk menyampaikan dakwah di sana. Setelah beberapa hari berdakwah, masyarakat Taif menolak dakwah Baginda saw secara terang-terangan. Mereka menghalau Nabi saw sambil melontar batu-batu sehingga berdarah tumit Baginda saw. Setelah itu Baginda saw berdoa mengadu kepada Allah swt (yang bermaksud):

“Ya Allah! Sesungguhnya aku mengadu kepadaMu lemah kekuatan dan helah serta hinanya daku pada pandangan manusia, wahai Tuhan yang amat mengasihani, Engkaulah Tuhan

bagi orang-orang yang lemah.... Namun begitu jika Kamu tidak murkakan daku aku tidak peduli apa pun yang berlaku pada ku”

Dalam kisah ini Baginda saw sentiasa mengadu kepada Allah apa yang berlaku. Di sebalik derita dan sengsara, redha Allah adalah yang lebih utama dalam perjuangan Baginda. Rasulullah saw mengajarkan kepada kita bagaimana mencapai ketenangan dan redha Allah dengan mengamalkan zikir berikut pada waktu pagi dan petang:

رَضِيْتُ بِاللَّهِ رَبًّا، وَبِالْإِسْلَامِ دِينًا، وَبِمُحَمَّدٍ نَبِيًّا

**Yang bermaksud :** Aku meredhai kamu ya Allah sebenar-benar Tuhan, Aku meredhai agama Islam sebenar-sebenar agama dan Aku meredhai Nabi Muhammad saw sebenar-benar Nabi.

أَعُوذُ بِاللَّهِ مِنَ الشَّيْطَانِ الرَّجِيمِ

أَحْسِبَ النَّاسَ أَنْ يَتْرَكُوا أَنْ يَقُولُوا ءَامَنَّا وَهُمْ لَا يُفْتَنُونَ ﴿٢﴾ وَلَقَدْ فَتَنَّا الَّذِينَ مِنْ قَبْلِهِمْ

فَلْيَعْلَمَنَّ اللَّهُ الَّذِينَ صَدَقُوا وَلْيَعْلَمَنَّ الْكَاذِبِينَ ﴿٣﴾

**Yang bermaksud :** Patutkah manusia menyangka bahawa mereka akan dibiarkan dengan hanya berkata: Kami beriman, sedang mereka tidak diuji (dengan sesuatu cubaan)? Dan demi sesungguhnya! Kami telah menguji orang yang terdahulu daripada mereka, maka nyata apa yang diketahui Allah tentang orang yang sebenar-benarnya beriman, dan nyata pula apa yang diketahui-Nya tentang orang yang berdusta.

( Surah al-ankabut: ayat 2-3)

بَارِكَ اللهُ لِي وَلَكُمْ فِي الْقُرْآنِ الْعَظِيمِ.  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.  
وَتَقَبَّلَ اللهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.  
أَقُولُ قَوْلِي هَذَا وَأَسْتَغْفِرُ اللهَ الْعَظِيمَ لِي وَلَكُمْ وَلِسَائِرِ الْمُسْلِمِينَ  
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ

## **KHUTBAH KEDUA**

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ  
أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ،  
وَعَلَى آلِهِ وَأَصْحَابِهِ أَجْمَعِينَ.  
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

مَعَاشِرَ الْمُسْلِمِينَ رَحِمَكُمُ اللَّهُ،

Khatib ingin mengambil kesempatan untuk mengajak sidang jumaat dan umat islam agar lebih cakna kepada golongan fakir dan miskin dengan menyalurkan zakat kepada Majlis Agama Islam dan Adat Melayu Terengganu (MAIDAM). Maklumat berkenaan agihan dan kutipan zakat dipaparkan menerusi portal [ezakat.maidam.gov.my](http://ezakat.maidam.gov.my).

### **Sidang Jumaat yang dirahmati Allah,**

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا

تَسْلِيمًا ﴿٥٦﴾



اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ، إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ اذْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.  
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ اشْفِ مَرَضَانَا وَارْحَمْ مَوْتَانَا، وَالطِّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ،  
ابْنَ الْمَرْحُومِ السُّلْطَانَ مُحَمَّدٍ الْمُكْتَفَى بِاللَّهِ شَاهٍ،  
وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ زَاهِرَةِ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وِلْيَ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ  
زَيْنَ الْعَابِدِينَ.

Ya Allah selamatkan kami dan seluruh ummah Islam di mana jua mereka berada. Satukanlah persaudaraan dan perpaduan ummat Islam dengan ikatan yang erat dan kukuh. Mantapkanlah iman kami dan teguhkanlah pegangan kami menurut ahli sunnah wal jamaah, peliharakanlah kami dari amalan dan pegangan aqidah yang menyeleweng.

Ya Allah, wahai Zat Yang Maha Pengasih. Hindarilah kami daripada segala malapetaka, bala bencana dan wabak penyakit, daripada kekejian dan kemungkaran, daripada pelbagai persengketaan, kekejaman dan huru hara, daripada kesulitan dan kesengsaraan, yang nampak mahupun yang tersembunyi. Sesungguhnya Engkau Maha Berkuasa atas segala sesuatu.

Ya Allah, limpahkanlah kesabaran atas kami, teguhkanlah pendirian kami dan bantulah kami. Kami memohon kepada-Mu jiwa yang tenang, lagi beriman dengan pertemuan dengan-Mu, juga redha atas keputusan-Mu serta merasa cukup puas dengan pemberian-Mu.

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.  
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.  
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

أذْكُرُوا اللهَ الْعَظِيمَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ،  
وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ  
□ قُومُوا إِلَى صَلَاتِكُمْ، يَرْحَمْكُمْ اللهُ.